

տոսի պատահածներուն մարգարէութեանց իրականացումը բացատրելէ վերջ, «իբրև մեկնեցան ի գետնն՝ յոր երթալին, և նա պատճառէր հեռագոյն ևս ուրեք երթալ: Եւ բռնադատեցին զնա և ասեն. առ մեզ ազիր, զի ընդ երէկս է, և տարաժամեալ է օրս, և եմուտ ազանել ընդ նոսա: Եւ եղև ի բազմիլն նորա ընդ նոսա, առեալ զհացն՝ օրհնեաց, հրեկ և ետ նոցա: Եւ նոցա բացան աչք և ծանեան զնա, և նա եղև ի նոցանէ աներևոյթ» (28-31):

Գ-Դ դար, եկեղեցական մատենագիրները Որոգինէս, յետոյ Եւսեբիոս Կեսարացի մէկ եմմաւուս միայն գիտէին, զաշտի Մակարայեցւոց քաղաքը՝ որ ունէր Նիկոպոլիս տիտղոսը, և կարծեցին թէ ան էր Աւետարանի եմմաւուսը: Բայց զաշտի եմմաւուս-Նիկոպոլիսը հեռու էր Երուսաղէմէն ոչ թէ 60 այլ 160 ասպարէզ: Երևութական սխալը անհետացնելու համար սրբագրեցին նուիրական բնագիրը իրենց թարգմանութեանց ընդօրինակութեանց մէջ, 60 ասպարէզը փոխելով 160 ի: Յերոնիմոս թարգմանելով Եւսեբիոսի Տեղագրութիւնը Ս. Ղուկասու եմմաւուսը ցոյց կուտայ զաշտի Նիկոպոլսոյ մէջ, բայց Վուլկաթայի մէջ 60 ասպարէզի թիւը անփոփոխ կը թողու, ինչպէս որ դատած էր հին ձեռագիրներուն մէջ: Այս նշանաւոր մատենագիրները չեն նշմարած թէ երկու աշակերտները Երուսաղէմէն եմմաւուս 30 քմ. ճամբորդութիւն մը կատարելէ յետոյ, պիտի չկրնային միևնոյն օրը նոյնչափ ևս ճամբորդել և հասնիլ Երուսաղէմ ժամը իննին, մեկնելով եմմաւուսէն՝ մինչ արդէն օրը տարաժամած էր: Այսպէս գիտունները կը տեսնէին ճախող սրբագրութիւն մը 160 ասպարէզին:

Այսու ամենայնիւ, Տատիանոս (Բ. դար), Օգոս-